


# Nettengd Biblía fyrir börn

## kynnir



## Samson, hinn sterki maður Guðs



Höfundur: Edward Hughes  
Myndskreytingar: Janie Forest

Þýðandi: Práinn Kristjánsson  
Aðlagð af: Lyn Doerksen

Saga 14 af 60

[www.M1914.org](http://www.M1914.org)

*Bible for Children, PO Box 3, Winnipeg, MB R3C 2G1 Canada*

Skilmálar: Þér er heimilt að afrita eða prenta þessa sögu, en ekki selja.

Íslenska

Icelandic

Fyrir ævalöngu í Ísrael, bjó Manóa og kona hans. Hjónin voru barnlaus. Dag nokkurn birtist Engill Drottins konunni og sagði: "Þú ert ófrjó, en samt mun þér fæðast sonur.




1


Hún sagði manni sínum þessar góðu fréttir. Manóa bað til Guðs: "Ó Drottinn minn... komdu aftur til okkar til að kenna okkur hvernig við eigum að ala upp drenginn."




2




Engill Drottins sagði Manóa að drengurinn mætti aldrei láta skera hár sitt, aldrei drekka áfenga drykki, né borða vissar fæðutegundir.




3



Guð hafði valið þennan dreng til að verða dómari og leiðtogi í Ísrael.




4



Fólkið, sem gleymt hafði Guði og orðið fyrir ofsóknum og ofbeldi óvina sinna Filistea, var nú sannarlega hjálpar þurfi.

5



Eftir að biðja til Guðs, svaraði hann þeim með því að senda þeim lítið barn sem síðar mundi verða sterkasti maður í heimi.

6



"Konan ól son og nefndi hann Samson. Drengurinn óx upp og Drottinn blessaði hann. Og andi Drottins tók að hreyfa við honum" Samson varð gríðarlega sterkur. Dag einn barðist hann berhentur við ungt ljón, og banaði því.

7



Skömmu síðar tók Samson eftir mergð býflugna á ljónshræi og fékk sér hunang og át.

8



Þá bjó hann til gátu:  
"Úr ætunni kom æti og  
úr hinum sterka, sætindi."

9



Engum skildist hvað þetta þýddi  
- en kona Samsonar, sem var Filistei,  
kjaftaði frá. Samson varð mjög reiður við.


10

Og Samson reiddist ennþá meir er hann komst að því að fyrir tilliðslu Filistea hafði kona hans nú gifst besta vini sínum. Hann ákvað að hefna sín. Samson veiddi 300 refi, batt tvo og tvo saman á skottunum og festi blys á milli skottana.




11

Síðan kveikti Samson í blysunum og slepti refunum inn á kornakra Filistea.




12

Nú var komið að Filisteum að hefna sín. Þeim tókst að handtaka Samson. Hann var síðan tekinn í böndum og framseldur til Filistea til aftöku.




13

En andi Drottins kom yfir Samson. Hann sprengdi af sér reipin, tók nýtt kjálkabein úr dauðum asna, og drap 1000 óvina sinna.




14

Hópur Filistea var á eftir Samson. Nótt eina settu þeir gildru fyrir hann og læstu borgarhliðunum þar sem hann var staddur.




En Samson gekk í gegn. Hann reif upp borgarhliðin, og bar þau á herðum sér!




Guð gaf Samson kraft svo lengi sem hann hlýðnaðist honum. En Samson hafði brugðist Guði. Dag nokkurn sagði Samson Delílu, fegurðardís sem var njósnari Filistea, frá kraftaleyndarmáli sínu. Hún lét raka hárið af höfði hans meðan hann svaf.



Síðan komu hermenn Filistea og réðust á Samson. Hann barðist af öllu afli - en krafturinn mikli var horfinn frá honum. Óvinir hans stungu úr honum augun.



Blindur og máttvana var Samson orðinn þræll Filistea. Þeir hlógu og gerðu gys að þessum þjóni Guðs.




Filistear héldu nú veislu, og þar lofuðu þeir guð sinn, Dagon, fyrir að hafa gefið Samson þeim í hendur. Þar gerðu Filistear sér glaðan dag og létu sækja Samson til að skemmta sér.




Ungur piltur sem leiddi Samson, leyfði honum, að óskum hans, að styðja sig við súlurnar sem húsið hvíldi á. Fyrir utan fólksfjöldan inni í húsinu, voru

um 3000  
manns uppi  
á þaki, allir  
að hæðast  
að honum.




21

Hár Samsons hafði farið að vaxa aftur í fangelsinu. Hann bað til Guðs: "Ó Drottinn Guð, styrktu mig nú í þetta eina skipti, svo ég geti hefnt fyrir bæði augu mín."




22

Mundi Guð nú gefa Samson kraft sinn aftur? Gæti Samson gert hið óhugsanlega?



23

Af öllum lífsins kröftum, þrýsti Samson á hinar miklu uppistöður, og hrundi þá húsið í rúst. Fleiri þúsund Filistear - og Samson líka, misstu þar lífið.



24

Samson, hinn sterki maður Guðs

Sögu þessa úr heilagri ritningu, biblíunni,

er að finna í

Dómarabók 13-16

"Þegar orð þín ljúkast upp, ljóma þau."  
Sálmarnir 119:130

Guð veit að við höfum öll gert rangt af okkur, sem hann kallar synd. Hegning syndarinnar er dauði.

Guð elskar okkur svo mikið að hann sendi son sinn, Jesú, til að deyja á krossi til að borga fyrir syndir okkar. **Jesús lifnaði á ný** og fór aftur til himnaríkis. Nú getur Guð fyrirgefið syndir okkar.

Ef þú vilt snúa baki við syndum þínum, segðu þá eftirfarandi til Guðs: Góði Guð, ég trúi að Jesús hafi dáið fyrir mig, og komið svo aftur til lífs. Ég bið þig nú að koma inni líf mitt og fyrirgefa syndir mínar, svo ég geti öðlast nýtt líf og verið með þér alla eilífð. Hjálpaðu mér að lifa fyrir þig sem Guðs barn. Amen

Lestu biblíuna og talaðu við Guð á hverjum degi!